

明史藁

列傳第六十八

光祿大夫 經筵講官明史總裁戶部尚書加七級臣王鴻緒奉

敕編撰

劉

蒞

呂 獬 葛 嵩

艾

洪

戴

銑

李光翰等

陸

崑

薄彥徽等

趙

佑

朱廷聲等

葉

釗

湯禮敬 王 渙

何紹正

許天錫

周

璽

徐 禎

羅

僑

宿 進

徐文溥

翟 唐 王 鑾

張士隆

戴 冠

張文明

陳 鼎等

范 輅

劉蒞字惟馨涪人弘治十二年進士授戶科給事中外戚慶

雲壽寧二侯令家人以輕貲易鹽引侵牟商利蒞歷陳五害

不聽已論文選郎張綵顛倒銓政尚書馬文升為辨乃已武

宗踐阼未數月漸改孝宗之政蒞疏諫曰先帝大漸召閣臣
劉健李東陽謝遷於榻前託以陛下今梓宮未葬德音猶存
而政事多乖號令不信張瑜劉文泰方藥弗恤致先帝升遐
不卽加誅容其奏辨中官劉瑯貽害河南宜按治僅調之薊
州戶部奏汰冗員兵部奏革傳奉疏皆報罷夫先帝留健等
輔陛下乃近日批答章奏大率以恩侵法以私揜公是閣臣
不得與聞而左右近習陰有干預矣願遵遺命信老成政無
大小悉咨內閣庶事無壅蔽權不假竊報聞正德元年吏部
缺尚書廷議歸劉大夏御史王時中疏侵之蒞極言其謬部
議無所是非帝遂詔挾私妄言者必罪語若嚮蒞實以鉗言
官口也孝宗在位時深悉內臣出鎮之害所用皆慎選劉瑾

等竊柄盡召還之代以其黨蒞言用新人不若用舊人猶養
饑虎不若養飽虎不聽尋與給事中張文等極言時政缺失
忤旨停俸三月劉健謝遷去位蒞與刑科給事中呂狎各抗
章乞留語侵瑾兵科都給事中艾洪亦劾中官高鳳姪得林
管掌錦衣衛諸疏皆傳至南京爲協同守備武靖伯趙承慶
所得應天尹陸珩錄以示諸僚兵部尚書林瀚聞而太息於
是給事中戴銑御史薄彥徽等各具疏言健遷顧命元臣不
宜去國陛下新政之初奈何屢朝廢學與六七內臣日游宴
射獵等大怒盡逮銑彥徽等下詔獄鞫治并蒞狎洪俱廷
杖削籍爾連承慶瀚珩亦皆得譴承慶停半祿閒住瀚珩貶
秩爾連既而列健遷等五十餘人爲奸黨蒞及狎洪並預

焉璫敗起蒞金華知府舉治行卓異未及遷輒告歸嘉靖初
起知長沙遷江西副使卒御史范永奎訟於朝特予祭葬
廣信永豐人弘治十二年進士其請留健遷言二臣不可聽
去者有五孔子稱孟莊子之孝以不改父之臣爲難二臣皆
先帝所簡以遺陛下今陵土未乾無故罷遣何以慰在天之
靈不可一也二臣雖以老疾辭實由言違計沮不得其職而
去陛下聽之亦以其不善將順非真有意優老也在二臣得
去就之義在陛下有棄老成之嫌不可二也今民窮財殫府
藏虛罄水旱盜賊星象草木之變迭見雜出萬一禍生不測
國無老成誰與共事不可三也自古剛正者難容柔順者易
合二臣旣去則柔順之人必進將一聽陛下所爲非國家之

福不可四也書曰無遺壽考健等諳練有素非新進可侔今
同日去國天下後世將謂陛下喜新進而厭舊人不可五也
帝不聽旣削籍歸後起雲南僉事遷四川副使修成都江堰
以資灌溉水利大興嘉靖初卒洪濱州人弘治九年進士擢
兵科給事中多所彈劾丰采凜然武宗立因巡視京營給事
中葛嵩言詔清覈騰驤諸衛及在京七十二衛軍嵩剔扶無
所徇積弊大革營帥朱暉張偉及中官魏興壽等撓之嵩
抗論洪亦率同官屢疏爭竟不能得正德元年春又劾英國
公張懋懷寧侯孫應爵新城伯譚佑彭城伯張信并請斥陝
西鎮監劉雲薊州鎮監劉瑯不聽雲召爲南京守備乞以其
養子偉爲錦衣千戶洪復率同官劾之事乃寢洪在兵科久

諫疏多可稱後起官終福建左參政嵩字鍾甫無錫人弘治十二年進士由行人擢禮科給事中孝宗時閱薊州軍儲核貴戚所侵地歸之民及武宗之初遂以釐營弊力抗權倖既又請出先朝宮人罷馳騁射獵因劾魏國公徐備已又偕九卿請誅奄豎瑾乃斥爲奸黨罷歸

戴銑字寶之婺源人弘治九年進士改庶吉士授兵科給事中數有建白久之以便養調南京戶科武宗嗣位偕同官請勅六科檢詳弘治間所行進賢退奸節財訓兵重祀愼刑救災恤困諸大政備錄進覽凡裁決機務悉以爲準報聞踰月言四方歲辦多非土產勞費滋甚宜蠲其所無又請勤御經筵俾密勿大臣從容察詢以稽進益旣乃與給事中李光

徐蕃牧相任惠徐暹奏留劉健謝遷且劾中官高鳳遂逮繫
詔獄廷杖除名復列之奸黨世宗立銑已卒贈光祿少卿光
翰新鄉人弘治十二年進士授南京戶科給事中正德改元
災異求言公疏劾太監苗達高鳳李榮及保國公朱暉帝不
省旣削籍歸後起台州知府與蕃同舉治行卓異尋卒蕃察
州人弘治六年進士授南京禮科給事中十七年劾南京大
寮三人武宗嗣位復先朝所汰諸冗費蕃等力爭不納後起
江西參議從都御史陳金討平東鄉寇嘉靖時累官工部右
侍郎相餘姚人弘治十二年進士授南京兵科給事中公疏
請罷禮部尚書崔志端等孝宗特御便殿召各閣臣皆留任
正德元年奉命與御史呂鏜覆南京御馬分給營軍糧陳賢

濫之弊及中官李棠搜詔旨營私罪不納至是罷歸後養
母後復官擢廣西參議相已前卒惠澤州人弘治九年進士
武宗立由行人擢南京吏科給事中嘗諫快遊語切直後起
山東僉事未任卒遷歷城人弘治十五年進士武宗卽位擢
南京工科給事中正德改元遷等因災異上言七事且請斥
英國公張懋尚書張昇等撤諸添註內官明正張瑜劉文泰
用藥失宜致悞先帝太監李興擅伐陵木新寧伯譚佑侍邸
李鏐同事不舉之罪帝下之所司後起山西僉事進副使平
巨盜混天王民頌之卒官當孝宗時南北臺諫率皆得人進
言多聽納迄武宗初言路猶以名節自勵銑等六人有關輒
聯署以諫大端指斥奄豎故並遭黜逐

陸崑字如玉歸安人父震廬州知府崑妊七月而生弘治九年舉進士授清豐知縣以廉幹徵拜南京御史武宗卽位疏陳重風紀八事一獎直言古者臣下不匡其刑墨宋制御史入臺踰十旬無言有辱臺之罰今郎署建言如李夢陽楊子器輩當加旌擢而言官考績宜以章疏多寡及當否爲殿最二復面劾舊制御史大班彈劾被劾者趨出待罪卽唐人對仗讀彈文遺意近率封章奏聞批答未行彌縫先入乞遵舊典面奏立取睿裁三明淑慝尚書劉大夏王軾允去侍郎張元禎陳清見留賢不肖倒置宜勉留二人放元禎等還田里四覈命令近者言妨左右頻見留中事涉所私輒收成命乞令諸曹章奏俱具疏送閣已行者得考稽未行者易奏請五

養銳氣御史與都御史例得互相糾劾行事不宜牽制六均
差遣御史以南北爲限顯然重輕自今除巡按面命外其他
差遣及遷轉資格宜南北一體七專委任河南道有考覈之
責請擇人專任八勵庶官郎中田岩姚汀張憲員外郎李承
勛胡世寧張嶺顧璘等二十人皆宜顯擢章下所司正德元
年劾中官李榮高鳳苗達保國公朱暉因請汰南京增設守
備內臣廣開言路屏絕宴游騎射帝不能從時八黨竊柄朝
政日非崑偕十三道御史薄彥徽葛浩貢安甫王蕃史良佐
李熙任諾姚學禮張鳴鳳蔣欽曹閔黃昭道王弘蕭乾元等
上疏極諫曰自古奸臣欲擅王權必先蠱其心志如趙高勸
二世嚴刑肆志以極耳目之娛和士開說武成母自勤約宜

及少壯爲樂仇士良教其黨以奢靡導君勿使親近儒生知
前代興亡之故其君惑之卒皆受禍陛下嗣位以來天下頤
然望治乃未幾寵倖奄寺顛覆典刑太監馬永成魏彬劉瑾
傅興羅祥谷大用輩共爲蒙蔽日事宴遊上干天和災祲叠
告廷臣屢諫未蒙省納若輩必謂官中行樂何關治亂此正
奸人欺君之故術也陛下廣殿細旃豈知小民窮簷蔀屋風
雨之不庇錦衣玉食豈知小民祁寒暑雨凍餒之弗堪馳騁
宴樂豈知小民疾首蹙頞赴訴之無路昨者雷震郊壇雪出
紫微夏秋亢旱江南米價騰貴京城盜賊橫行顧可憫情縱
欲不一顧念乎閣部大臣受顧命之寄宜隨事匡救弘濟艱
難言之不忠必伏闕死諫以悟聖意顧乃怠緩悅從與願退

託白爲謀則矣如先帝付委天下屬望何伏望側身修行
亟屏永成輩以絕禍端委任大臣務學親政以還至治疏至
朝事已變劉健謝遷皆被逐於是彥徽爲首復上公疏請留
健遷罪永成瑾等瑾怒悉逮下詔獄榜掠蕃諾詭言不預知
爲主獄者所叱獄成各杖三十除名昭道弘乾元逮捕未至
命卽南京闕下杖之後列奸黨五十三人崑彥徽等並與焉
瑾誅復崑官致仕世宗初詔錄用有阻之者勿果召彥徽陽
曲人弘治九年進士嘗論道士崔志端不可爲尚書歸未及
起官先卒浩字天宏上虞人弘治九年進士由五河知縣擢
御史數陳時政闕失孝宗多采納正德元年帝允司禮中官
高鳳請令其從子錦衣都指揮得林堂衛事浩等爭之言先

帝詔錦衣官悉由兵部推舉陛下亦悉罷傳乞官今得林由
傳奉不關兵部廢先帝命壞銓舉法虛陛下詔一舉三失由
鳳致之乞治鳳罪而罷得林御史潘鏜亦言鳳得林操中外
大柄中人效尤弊將安底帝皆不聽浩旣削籍瑾憾未釋復
坐浩劾武昌知府陳晦不實與安甫蕃熙學禮崑六人逮杖
闕下瑾誅浩起知邵武府入覲陳利弊五事悉施行嘉靖中
歷官兩京大理卿帝郊祀有犯蹕者法司欲置重典浩執奏
得不死十年夏雷震午門自劾致仕歸年九十二卒安甫字
克仁江陰人弘治九年進士授長垣知縣孝宗時擢御史嘗
疏劾壽寧侯張鶴齡正德初考功郎楊子器以山陵事下詔
獄安甫疏力救兵部尚書劉大夏爲中官所扼謝病去戶部

侍郎陳清遷南京工部尚書安甫率御史請還大夏罷清進退大臣毋使左右讒人得預報聞彥徽等之疏安甫筆也瑾知之故列奸黨以安甫首南御史家居十年終歲不入城市起山東僉事甫三月引疾歸良佐字禹臣亦江陰人弘治十二年進士由行人擢御史後起雲南副使平十八寨苗賜白金文綺濬海口溉田千頃滇人頌之熙上元人弘治九年進士由將樂知縣擢御史十八年奸人徐俊等造謠言帝遣官齋駕帖至南京有所捕治已而知其妄熙公疏言陛下於此事威與明少損矣倘奸人效尤妄以蜚語中善類害何可勝言事下法司亦力言駕帖之害帝納之正德元年九月以災異復偕御史陳十事請罷鷹犬射獵以慎好惡正中官張諭

等罪以彰天討斥中官所薦順天巡撫柳應辰江西參政王
綸以抑奔競罷侍郎張元禎王華葉贊巡撫李進畢亨歐信
太僕卿王珩尚寶少卿祝祥以黜不職退按察使李善參議
林沂知府陳晦等十三人以清庶官他五事不具載章下所
司瑾誅得禍者皆起熙獨廢世宗嗣位始起饒州知府遷浙
江副使以清操聞學禮巴人家京師弘治六年進士嘗公疏
劾大寮張昇等五人正德元年復公疏諫佚游不納後起雲
南僉事終參議鳴鳳上海人弘治九年進士正德初劾大寮
張元禎等六人方議有所遣鳴鳳削籍事遂寢後起湖廣僉
事進副使鳴鳳初令永康有政績在湖湘治復最母憂歸卒
欽杖死別有傳聞上海人進士爲沙縣知縣被徵民號泣攀

留累日不得去既與眾等同得罪後當起官以養母不出母終枕塊得寒疾卒昭道平江人弘治十二年進士後起廣西僉事再遷雲南參政撫永邦孟密有功終左布政使弘乾元無考蕃諾抵不與知不足載

趙佑字汝翼雙流人弘治九年進士由繁昌知縣召爲御史正德元年六月武宗因災異下詔修省而耽樂如故佑上言太監丘聚劉瑾馬永成輩日獻鷹犬導騎射萬一有銜際之變豈不爲兩宮憂鎮守內臣鄧原麥秀頗簡靜而劉璟梁裕擠代之戶部議馬房草場召民佃種甯瑾竟自奏止李興擅伐陵木已坐大辟乃欲賂左右祈免他如南京守備劉雲倉塲監督趙忠韋雋段循俱資緣增設乞置聚瑾輩於法罷璟

裕母嬪而汰革額外冗員自今政事必諮大臣臺諫不爲近
習所搖則災變自弭奏入羣奄大恨帝將大婚詔取太倉銀
四十萬兩佑言左右以婚禮爲名將肆無厭之欲計臣懼禍
而不敢阻閣臣避怨而不敢爭用如泥沙坐致耗國不幸興
師旅遘饑饉將何以爲計哉九月宛平郊外李花盛開佑言
此陰擅陽權非偶然也帝皆不納是時中官益橫舉朝憂憤
佑乃與御史進賢朱廷聲江夏徐鉉交章極論章下閣議將
重罪中官事忽中變瑾既得志大逐廷臣忤已者指佑與廷
聲鉉及陳琳王良臣潘鏜等爲奸黨勒罷之瑾誅用薦起山
西僉事卒廷聲字克諧弘治十二年進士嘉靖中終刑部右
侍郎鉉字用礪弘治九年進士終四州左布政使琳字玉疇